

LA USC DI LADINS - VENERDI' 5 FEBBRAIO 2021

EUROPA

Sëgn á l'Euregio Tirol ince n inom ladin


So inom por ladin é »Lia Europeaica de Cooperaziun Teritoriala Euregio Tirol-Südtirol-Trentin«, en cört »Euregio Tirol – Südtirol – Trentin«

La Junta dla LECT dl'Euregio Tirol – Südtirol – Trentin s'á incunté ai 28 de jená te na videoconferënza cun danter l'ater le presidënt dl Tirol Günther Platter (cun le Land Tirol che atualmënter á la presidënza dl'Euregio), le presidënt dla Provinzia Arno Kompatscher y le presidënt dl Trentin Maurizio Fugatti.

»Tratan la sentada él gnü elaboré na convenziun nōia y n statut nū sōn la basa dles proposes dla Euregio-Lab. Aladó dla proposta elaborada ince dal espert de dërt europeich, Walter Obexer, sará l'assemblea dl'Euregio formada da nū comëmbri sōn 15 che gnará stabilis dai consëis.

Al gnará ince a se le dé na maiú partezipaziun da pert dl podëi esecutif. N maiú pëis ará ince i aconsiadus provinziai inciariá che ará la funziun de direturs tecnics sōn inciaria dla Junta.

»N ater punt fundamental por le dagní sará na maiú partezipaziun dles zitadines y di zitadins dl'Euregio por ci che reverda le svilup dla Euregio«, á dit Platter. Al dess gní formé consëis de zitadins cun rapresentanc dla popolaziun cun la poscibilité da fá proposes sōn tematiches spezifiches. Les condiziuns nōies dla LECT prevëiga ince n rode plü important di Comuns tres n »Consëi de consultaziun dl'Euregio«. Chësc



Le presidënt dl Südtirol Arno Kompatscher á tut pert ala videoconferënza dla Junta dla LECT.

foto: Land Tirol/VG. Berger

consëi dess gní istituí en colaboraziun cun le Consorzi di Comuns por da d'altonn dl 2021. »La partezipaziun di zitadins, di Comuns y le renforzamënt di parlamënc é elemënc de gran valüta por che l'Euregio sides ciamó plü viüda y sintida da pert dla popolaziun«, á dit le presidënt Arno Kompatscher. Sëgn sará la Talia y l'Austria che analizará les mudaziuns fates da pert dla Junta dl'Euregio y la firma ofiziala ai statur nūs dess gní fata tratan le De dl Tirol al Forum Alpach tl 2021. La Junta dla LECT á ince aprové l'inom ladin dl'Euregio: »Lia Europeaica de Cooperaziun Teritoriala Euregio Tirol-Südtirol-Trentin.«

IR